



# Synfocity = 954

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

September 12, 2024

## ❑ Praise On 2024

September 10, 2024 (Thawhlehi) khan New Serchhip Kohhranah Synfo leh Central KṚP buatsaih Praise On 2024 Audition neih a ni a. Audition-ah hian Judge-te - Upa F. Lalthanmawia leh NI. R. Lalrinmawii, Guest Judge - Tv. H. Lalṥazuala te bakah SYNFO Co-ordinator, Pu John Lalhruiatluanga, SYNFO Staff-te - Pu Peter Lalanpuia, Pu H. Lalṥanpuia, Pu David Lalruattluanga, Tv. Vanlaldampuia leh Tv. R.L. Zochhuanmawia te an kal bawk a ni.

Audition hi September 6 (Zirtawpni) khan Champhai Venglaiah neih a ni tawh a, September 14 (Inrinni) hian Kolasib Hmar Veng Kohhranah leh September 21 (Inrinni) hian Lunglei Bazar Veng Kohhranah neih a ni ang a, Aizawl Audition hi September 25-28 chungin Tuikual Kohhranah neih a ni ang.

## ❑ Senior Department Inkhawmpui

September 15 (Pathianni) hi Mizo Sunday School Union (MSSU) hnuaiia Senior Department Inkhawmpui ni a ni a, Presbyterian Kohhran hnuaiia Bial hrang hrangah Inkhawmpui hi hman a ni ang. Bial ṥhenkhatah chuan inrinni zan aṥanga nei ṥan an awm bawk.

Bial Sunday School Committee kut anih avangin Bial hrang hrangte kalpui dan erawh a dang hret hret hlawm a, bial ṥhenkhatah intihsiak anga kalpui anih laiin, ṥhenkhatah chuan intawhkhawm anga hmang pawh an awm ṥhin bawk.

Kum 1947 Sunday School Committee chuan, "Nula leh Tlangval Sande Sikul Pawl zirlai hran neih rawtna kha a la ding zel a, zawiin la ngaihtuah se tih a ni" tiin a rel a, kum 1954-ah Senior Department hi din a ni ta a ni.

2023 Sunday School inchhiarnaa a lan danin Senior Dept. dinhmun hetiang hi a ni -

Zirtirtu	-	4,789
Zirlai	-	28,668
<b>Belh khawm</b>	-	<b>33,457</b>

## ❑ Mizoram Christian College

♦ September 4, 2024 (Nilaini) khan Govt. Hrangbana College-ah Mizoram English Literature Society (MIELS) buatsaih Lit Fest 2024 neih a ni a. He hunah hian MCC Arts & Music Club leh English Department te chu item hrang hrangah an tel ve a, chung zingah chuan MCC Band chu Beat Contest-ah pahniha an ni.

♦ September 6, 2024 (Zirtawpni) khan NSS Unit, Mizoram Christian College chuan Blood Donation Camp an buatsaih a, Civil Hospital Blood Bank atan thisen Unit 126 an pe a, thisen petute hi mipa 91 leh hmeichhia 35 an ni.

♦ September 10, 2024 (Thawhlehi) khan Management Department 5th Semester zirlaite chuan Off Campus Class-cum-Peractio Couse neiin MISTIC, Directorate of Science and Technology an tlawh a, 'Introduction to Intellectual Property Rights' tih thupui hmangin session hlawhtling tak an nei.

♦ September 10, 2024 (Thawhlehi) khan Synod Zirlai Viltu Committee aṥanga sawm an nih angin Synod Resource Centre (SRC) Briefing and Orientation Programme-ah MCC zirlai 12 leh zirtirtu 2 an tel thei a. He huna MCC zirlai kalte hi English, Mizo, Public Administration leh Sociology Department aṥanga 5th Semester zirlaite an ni.

## ❑ Campus Ministry

♦ September 6, 2024 (Zirtawpni) khan Presbyterian English School, Sihphir Venglaiah Campus Ministry-in rawngbawlina hun an hmang a. He hunah hian Tv. Lalrinchhana, Counsellor bakah Resource person, T. Upa K. Lalenzama leh Pu C. John Saiparlana, Ramhlun North te an kal. PES, Sihphir Venglaiah hian zirtirtu leh zirlai 270 vel awm mekin, Class 1 - 10 thleng zirna a awm a ni.

♦ September 11-12, 2024 chung hian Baktawng leh Khumtung khuaa School parukah Crusade neiin Rev. H.L. Thianghlina, Director; Tv. Lalrinchhana, Counsellor leh Resource Person-te - T.Upa K. Lalengzama, Upa Lalnunsiamia Khalthang leh Pu John Saiparlina te an kal.

#### ❑ Prison Ministry

September 8, 2024 (Pathianni) khan District Jail, Aizawl-ah hun hman a ni a. Chawhma Inkhawmah Rev. Lalhmuchhuaka, Director, Synod Prison Ministry-in thuchah a sawi a, Prison inmate Bible chhiar chhuak hnenah Certificate a hlan bawk. Chawhnu Inkhawmah Saltang Chhuahtu Team Speaker, Tv. Lalrempuia'n hun a hmang a, Speaker bakah Pu R.C. Lalmaka'n Thuchah tawi leh fuihna thu a sawi bawk a. NI. H. Laltharzuali (Thartei) a zai bawk.

Synod Prison Ministry hian chawhma leh chawhnu inkhawm kar lakah, Khawngaihna In, Chite Veng tlawhin inkhawm tawi an hmang a. Rev. Lalhmuchhuaka'n kaihruiin, NI. Thartei'n Testimony sawiin zaia rawngbawlna hun a nei bawk.

#### ❑ Synod Resource Centre

September 10, 2024 (Thawhlehi) chawhnu dar 2:00 khan J.M. Lloyd Hall, Synod Office-ah Zirlai Viltu Committee chuan Synod Resource Centre Briefing & Orientation programme hun an hmang a. He hun hi Rev. K. Lalrinmawia, Zirlai Viltu Committee member-in a kaihrui a, Pu Lalsiammawia Fanai, Zirlai Viltu Committee Secretary-in report a pe a. Pu R.L. Rinawma, IRS (Rtd), Pu C. Lalsawta, IAS (Rtd) leh Pu Benjamina, IDAS (Rtd) ten kal khawmte tana hriat tur thu pawimawh an sawi hnuah zawhna leh chhanna hun hman a ni a. Upa Zonunmawia, Zirlai Viltu Committee member-in lawmthu a sawi zawhin Rev. Lalfakzuala, Zirlai Viltu Committee member-in tawngtaina hun hmangin programme hi a khar a ni.

#### ❑ Trust

September 10, 2024 (Thawhlehi) khan Saipum Pastor Quarters sak mek leh Retaining Wall en felin Pu Lalramenga Royte, J.E. a kal.

#### ❑ Synod Relief Fund

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Vawngawngo	In chhia	4	₹ 40,000/-
2.	Electric Vengthlang	Damlo leh leimin tuar	5	₹ 30,000/-
3.	Khuangleng	Damlo	1	₹ 10,000/-
4.	Sesih	Damlo	1	₹ 10,000/-
5.	Serchhip Vengchung	Damlo	1	₹ 10,000/-
6.	Suarhliap	Damlo	1	₹ 10,000/-
7.	Thenzawl Dinthar	Damlo	1	₹ 10,000/-
8.	Thingsai	Damlo	1	₹ 10,000/-
			<b>Belh khawm</b>	<b>₹ 1,30,000/-</b>

#### ❑ Synod Mission Board

##### ♦ Jharkhand Mission Field

September 4, 2024 (Nilaini) khan belhtu thar pahnih an awm a, ni 7 (Inrinni) khan belhtu thar 11 an awm bawk.

##### ♦ Lucknow Mission Field

September 7, 2024 (Inrinni) khan belhtu thar pahnih an awm.

##### ♦ Arunachal & Assam Mission Field (East)

September 7, 2024 (Inrinni) khan belhtu thar pakhat a awm.

##### ♦ Karbi Anglong Mission Field

September 8, 2024 (Pathianni) khan belhtu thar paruk an awm a, kohhran dang atangin mi panga kan kohhranah an rawn inpe bawk.

##### ♦ Calcutta Mission Field

September 8, 2024 (Pathianni) khan belhtu thar 14 an awm.

##### ♦ Delhi Mission Field

September 8, 2024 (Pathianni) khan belhtu thar pali an awm.

##### ♦ Cambodia

September 8, 2024 (Pathianni) khan belhtu thar pakhat a awm.

- ❑ **FM Zoawi - Aizawl & Lunglei : Hruaina Eng Radio Programme**  
**September 13, 2024 (Zirtawpni) @ 7:30 p.m. :**  
**Solo :** Vanlalmalsawmi - Min neihtir ang che, **Zaipawl :** Tuikual Bial Zaipawl - Ka hmu ta e,  
**Thusawi :** Rev. Joseph Lalnunmawia - Rinawmna um zel rawh, **Solo :** Hmangaihrammawia - Van in  
ka thlen thlengin, **Zaipawl :** Venghlu Bial Zaipawl - Min vengtu chu Lalpa a ni
- ❑ **Su Samachar Prasaran Programme :**  
**September 15, 2024 (Pathianni) 5:30 pm. :**  
**Group/Choir/Solo :** Sihphir Masihi Sangati - Kruspar, **Group/Choir/Solo :** Sheila Lepcha - Dhanyawad  
Ke Saath, **Sermon :** Rev. Vanlalbela - Isu Jevan Data He, **Group/Choir/Solo :** Soni Lalnunsangi -  
Ashantima, **Group/Choir/Solo :** Hmingtea Tochwawng - A nugra ha kari
- ❑ **Hruaina Eng TV Programme**  
**12.9.2024 (Ningani) 8:30 pm :** Praise On 2024:Champhai Audition  
**13.9.2024 (Zirtawpni) 5:00 pm :** Kristian Naupang Pual  
**14.9.2024 (Inrinni) 5:30 pm :** Puitling Sunday School Zirlai  
**15.9.2024 (Pathianni) 8:00 am :** Weekly round up  
5:30 pm : Su Samachar Prasaran  
**16.9.2024 (Thawhtanni) 8:30 pm :** Hruaina Eng Luang chhuak - Rev. R. Lalengmawia
- ❑ **Moderator leh Executive Secretary-te Programme:**  
**Rev. R. Vanlalnghaka : Moderator**  
Sept. 14-15, 2024 Kohhran tlawh-Haulawng Bial  
Sept. 17, 2024 Hospital BEC  
**Rev. C. Zoramawia : Senior Executive Secretary**  
Sept. 12, 2024 Barak Area Committee  
Sept. 18-19, 2024 Chhim Bial Committee, Lunglei  
**Rev. V.L. Luaia Hranleh : Executive Secretary**  
Sept. 12, 2024 John Williams Hospital Committee, Lunglei  
Sept. 13, 2024 Church Council Meeting - Lunglei  
Sept. 17, 2024 Hospital BEC  
Sept. 18, 2024 Women Hostel Committee  
Sept. 20, 2024 Bial Treasurer pual training  
Sept. 21-22, 2024 Synod Rescue Home Committee, Champhai  
**Rev. Dr. K. Lallawmzuala : Executive Secretary**  
Sept. 9-20, 2024 Field Committee - Tripura, Assam leh Karbi Anglong
- September 20, 2024-a Synod Service Board-ah Moderator leh Executive Secretary-te an thu ang.**

### SAWMNA

October 18-20, 2024-a Masihi Sangati Convention vawi 33-na, Saitual Kohhran Biak Ina neih turah hmun hrang hranga Masihi Sangati Fellowship-te lo tel vek tur leh Area chhunga ringlote a tam thei ang ber hruai khawm turin kan inngen a, kohhranhote min tawngtaipui tur leh min tawiawm turin kan sawm a che u.

Speaker : Rev. Darrema Hlawndo i/c Aizawl North Bial  
Thupui : Chhandamtu Isua (Tirhkohte 4:12)

Rev. R. Lalhminganga  
Secretary  
Synod Mission Board

